

清水河厅志

新修清水河廳志卷之十一

營汛 附兵數

傳云有文事必有武備蓋致治以文為先而戡亂
以武為要乃知二者固不可以偏廢也我

國家敷文教亦重武功是以設險守固其於營伍之
制無不至周且備因疆界之犬牙相錯也而分防
設守各有專司矣茲將清廳營汛及所轄各隘之



營房一所

地並其兵數均詳載於篇俾守土者有所參考焉

志營汛

清水河營汛

駐防把總一員乾隆二十六年添設奉文將靖遠

營屬之新娑汛把總移駐清廳西閣外

原設馬兵十六名

步兵四十名

兵房十二間

界牌廳三間

望樓一座

墩臺五個

石壁汎鋪 在廳北三十里

原設 馬兵二名 步兵四名

界牌廳三間

兵房十二間

望樓一座

墩臺五個

紅沙口汛鋪 在廳北八十里和廳所屬

原設 馬兵二名 步兵四名

界牌廳三間

兵房十二間

望樓一座

墩臺五個

道光十一年裁汰馬兵一名步兵三名咸豐四年
裁汰馬兵二名步兵五名同治元年裁汰馬兵三
名步兵八名以上三次共裁汰馬步兵二十二名
現在存營馬步兵共三十四名

駐防營汛

現存馬兵八名

步兵十八名

石壁汛鋪

現存馬兵一名

步兵三名

紅沙口汛鋪

現存馬兵一名

步兵三名

新修清水河廳志卷之十二

驛傳 鋪遞附

皇華使命之往來官府文移之遞送無一不闕緊
要此古人之所以設驛而置郵也清河一郡屬在
荒區四面皆山車馬難行不臨大道亦鮮雜差並
無專驛之可紀茲將現存遞馬暨馬夫數目著於
篇而以鋪遞附焉志驛傳

原設 遞馬二匹

馬夫一名

日支夫馬工料銀兩向係由藩庫請領

鋪遞附

原設 鋪司三名

在本街

乾隆二十七年添設和林格爾交界邊鋪二處

神崖村鋪司三名

係和廳舊鋪歸併

獼兒壩鋪司三名係新添

共鋪司九名每名歲給工食銀六兩共應領銀五十四兩向由歸化城都統牛羊稅銀項下按季請領嗣於咸豐四年經山西巡撫恒

奏准裁汰改設遞役四名所支工食仍舊每名給銀六兩由都統衙門請領

新修清水河廳志卷之十三

田賦 稅課附

古者重民財惜民力賦惟什一役僅三旬厥後賦
役繁興而民生日困矣我

朝雜派加徵久已報罷屢次恭遇

覃恩頻行蠲免正項設有偏尖歉歲復為豁免緩徵
其所以愛養元元者至周且偏清郡地瘠民貧催

科撫字豈易言哉是所望於賢有司之勞心民瘼
者矣志田賦

原額開墾成熟地一萬三千四百二十六頃八十

二畝九分一釐七毫於

乾隆二年分上中下三則徵收上地每畝徵米三
升草折銀一分五厘中地每畝徵米二升草折銀
一分二厘下地每畝徵米一升草折銀九厘

共應徵本色米一萬三千六百石零六斗二升一
合四勺又草折銀改徵米九千七百零九石二升
七合二勺每年共應徵本色米二萬三千三百零
九石六斗四升八合六勺於

乾隆三十一年經前撫彰

題準每米一石改徵銀一兩二錢五分

共應徵折色正銀二萬九千一百三十七兩六分

七毫五絲分上下兩忙完解

嘉慶二十五年共報廢地一千七百七十四頃七十九畝二厘七毫五絲共

豁除折色正銀三千八百一十五兩八錢

道光元年共報廢地四百一十三頃八十八畝二釐五毫共

豁除折色正銀八百八十九兩八錢四分二厘

道光十五年共報廢地三千八十七頃五畝四分九厘三毫共

豁除折色正銀六千六百三十七兩一錢六分八厘

道光三十年共報廢地六百七十頃一十四畝四

分九厘共

豁除折色正銀一千四百四十七兩二錢六分二厘

咸豐三年共報廢地二千六百零四頃八十五畝

三分一厘共

豁除折色正銀五千六百兩四錢三分四厘

以上五次報廢豁除外

實應徵折色正銀一萬七百四十六兩五錢五分

五厘每兩額加耗銀五分共銀五百三十七兩三

錢二分七厘七毫五絲

銀藍旗廠地

原額四百三十八項

應徵租銀六百一十三兩二錢遇閏加增三分

嘉慶二十三年共報廢地二百六十二頃五十畝

豁免銀三百六十七兩五錢

現實應徵銀二百四十五兩七錢耗銀一十二兩

二錢八分五厘

稅課

永安街設立斗牙二名

韭菜莊鎮設立斗牙一名

每名每年額徵稅銀一兩二錢批解司庫

當稅銀五十四兩 此項向係活數無定

每年春季該商等自行解往歸化廳衙門充餉

葯料釐金

咸豐七年新增儘數解繳籌餉總局充餉

新修清水河廳志卷之十四

戶口

民為邦本苟無其人何以能國我

朝撫有方夏四海同風中外一體

聖澤之所涵濡久道化成休養生息固已二百餘年

於茲矣宜乎林林總總皞皞熙熙同登於仁壽之
域而安其耕鑿之天懿歟休哉其人民富庶之景

象有日見其蕃衍滋長而莫之有艾也志戶口

清水河廳所轄之屬原係蒙古草地人無土著所有
居民皆由口內附近邊牆隣封各州縣招徠開墾
而來大率偏關^平手魯兩縣人居多自乾隆年間

本街

分為兩甲二十五牌約計二百五十零戶

男一千五百餘丁

女一千五百餘口

四鄉

分為十甲一百六十牌約計一千六百零戶

男七千餘丁

女六千五百餘口

嗣因所墾熟地或被風刮或被水衝是以口內
招來之民棄地逃回原籍者實繁有徒令據光

清 水 河 屬 志 卷 五
緒八年認真編查保甲戶口數目開列於後

本街

實在二十八牌計一百六十八戶

男九百三十三丁

女四百七十三口
十姓餘橋一千六百零八

四鄉

實在九十八牌計七百五十五戶

男七千三百四十丁

女五千八百六十二口

一

晉
在
一
年
六
月
對
一
百
六
十
八
戶

其
北
前
五
十
三
戶

女
國
前
五
十
三
戶

女
大
十
八
百
六
十
二
口

男
以
十
三
百
口
計
有
十
五
十
五
戶

新修清水河廳志卷之十五

列女

烈婦

節婦

賢媛

今夫列女之名昉於劉向其所傳蓋不僅著貞節已也凡才與學有足為閨閣壺範之法鑒者胥必採焉厥後誌方志者踵事為例而無敢或違清河界在邊荒人民率多流寓凡有閨貞賢孝節烈俱各由其原籍詳請具題職此之故是以此地竟爾

寥寥無幾茲特將有卷可查考暨訪聞確切有據者悉著於編以資觀感而發潛德之幽光云爾志

列女

烈婦三人

楊黃氏年四十五歲係農人楊正之妻原籍隸偏

關縣寄居清郡之陽井上村乾隆三十九年六月

初八日夜因被本村人王時鳳圖姦未成羞忿日

自

縊身死時通判蘇爾通阿驗訊明確詳請

山西巡撫具題經

部議覆楊黃氏準其

旌表乾隆四十年四月二十六日奉

旨依議欽此當經行入遵照請領建坊銀三十兩給

發本夫楊正收領在於本村之大道邊建立牌坊

一座

王杜氏係王增壽之妻原籍代州崞縣人寄居清
廳之花園巷中生有二子而家貧甚其夫素不務
正日事賭博往往凍餒之而氏藜藿自甘備歷艱
苦無怨言同治五年五月間其夫他出不歸氏斷
炊已三日矣因向居停常姓者假銅錢數百暫救
燃眉以俟夫歸不意常姓於授錢時頓起淫心遽
爾調戲氏面發赤投錢驚走入室羞愧痛哭經隣

婦勸解求寢其事次日其夫歸聞之怒指氏大肆
辱罵氏羞忿無地自容遂以薙刀自刺其喉未死
復服毒殞命經有司驗明通報覆審詳請具題奉
部議覆準其

旌表奉

旨依議欵此並賞給建坊銀三十兩以無何夫既死
查畢氏係查文璽之妻原籍安徽懷甯縣人隨夫

逃避兵燹僑寓清河其夫染疾在牀氏衣不解帶
日夕親侍湯藥祈禱神祇願以身代無何夫病危
殆而歿氏慟不欲生哀啼絕粒既而念己子女一
無所出又無親族可依且距故鄉數千里而遙安
能扶襯歸里遂強起躬視含殮料理喪葬事宜並
於清置地為夫卜葬寔窆既安即於是夜仰藥而
死年三十八歲夫一死有輕於鴻毛有重於泰山

者今氏慟夫情切慷慨捐生實屬義烈可嘉而其
死重於泰山矣經通判定福詳請具奏嗣奉
部覆准其

旌表光緒三年十二月十八日奉

旨依議欽此並賞給銀三十兩而官為之建坊焉

節婦 六人

何康氏係農民何德魏之妻原籍平魯縣寄居清

郡之韭菜莊窩氏生而明敏性幽嫻貞靜于歸後
操作勤儉孝親敬長睦族和隣夫婦亦和好尚未
生子而夫忽病歿氏時二十九哀慟之餘營理喪
葬既殯後遂邀族長議繼立猶子以為嗣苦志守
節三十餘載艱辛備嘗撫養嗣子至於成立為之
授室而氏亦已六十餘矣今尚康強矍鑠戚里咸
欽其懿範公呈於原籍有司轉詳題請

旌表已奉部文覆准矣

何王氏係何德崇之妻居韭菜莊富夫亡苦志堅
守今六十五歲戚族咸欽其間範於光緒七年由
原籍平魯縣稟呈轉詳題請

旌表已蒙部文覆准矣

范劉氏係祁家溝村人范王之妻翁姑早卒其夫
以縫裘為業生二子而夫病歿氏年二十有九子

一尚孩提一在襁褓田無寸土儲無粒粟惟遺破
土窰三間而已而氏乃茹荼自甘飲冰勵節撫養
孤子毋兼父職寬嚴交濟持家勤儉井臼躬操子
漸長即令出就外傳讀書每飯必以美食子之而
已與次子則啖粗淡焉至次子讀書亦然而其庭
訓之嚴子雖長成而出告反面無敢或違迨後恐
子讀書無成即命習學匠藝遂成工師二子俱各

成立娶妻生子今已抱孫而家門日漸饒裕矣良
田數垧半農半工而氏猶兢兢每日以勤儉為訓
成焉

武張氏係武家梁村人武應龍之妻性貞靜于歸
五載而夫亡氏年二十一有一女方四歲子生纔
三月耳前室遺一女亦止數齡撫之如己出氏循
分勵節飲蘗如飴上事姑嫜下撫兒女逾二載而

翁姑相繼病歿營理喪葬罔不盡禮勤儉操作艱
辛備嘗苦守幾三十載以勞瘁卒迄今子孫蕃衍
家門興盛人皆以為苦節之報云

何郭氏滙泉子村人何廷貴之妻年二十八而夫
病故生有三子俱幼氏本富室女閨中惟知刺繡
及夫亡後竟能經理家政井井有條且於田畝中
事凡耕耘刈獲躬率傭佃諸工人自晨至夕操作

勞苦如男子故家業鼎興尤勝於前撫養三子母
兼父職教之成立或農或商各有所事氏今年七
十有一尚康強無恙而孫曾繞膝矣族戚隣里咸
欽其懿行焉

楊王氏商氏楊增有之妻寓居本街倉背後巷中于
歸後歷生二子俱幼年二十七而夫病卒翁姑衰
朽而老病在牀親侍湯藥日夜無倦及歿經理喪

葬均各盡禮且克勤克儉苦志勵節精力消耗積
勞成疾年五十有五遂奄然而逝今其家門興旺
子孫稱繁盛焉

賢婦二人

楊氏農家女早喪父母其叔貧不能育童養於夫
家其夫楊攔存係祁家溝村人乃螟蛉之子也迨
姑卒而翁已衰老龍聾備不堪經理家務夫弟又懦

弱信婦言遂與氏夫婦分居各爨僅予薄田數頃而已翁與次子同居不免凍餒艱苦數載當光緒丁丑戊寅之歲饑饉頻仍翁益老病氏勸夫往迎翁返同居以便奉養惟貧家院無餘室氏不避嫌疑竟與衰翁同室而處起居飲食必深心周雖乏甘旨之供而菽水承歡和顏順志必務得其歡心而後已迄於今子孫成立家門日盛戚里咸嘖嘖

稱為賢婦云

李祿之母傳者忘其姓氏生二子而寡家甚貧於
道光年間歲頻饑饉氏操作艱苦度日恆不給惟
日採野菜雜糠粃以為食遂致一身癰腫亦無所
怨悔其長子方數歲饑餓難忍私向隣家竊取其
飯食之聊以果腹氏知之怒其濫行無恥恐將來
流入匪類為穿窬盜賊之行有玷家門而辱祖宗

遂以麻繩勒斃之時次子李祿尚在襁褓也夫父
母之於子溺愛者十居八九至能大義滅親雖在
丈夫輩亦殊少概見不謂今乃於巾幗中見之嗚
呼豈不憂矣乎難哉

水... 角... 卷... 九

... 之... 者... 其... 二... 者... 其... 家... 家...
... 年... 間... 成... 熟... 後... 其... 性... 質... 皆... 同... 性... 不... 給... 難...
... 亦... 及... 其... 種... 雖... 於... 食... 之... 時... 亦... 無... 所...
... 大... 大... 事... 亦... 特... 為... 難... 矣... 亦... 誠... 命... 已... 矣... 也... 剛... 中... 且... 之... 潔...
... 之... 全... 亦... 能... 盡... 其... 妙... 矣... 以... 之... 兼... 天... 產... 成... 解... 藥... 也...
... 遂... 以... 其... 剛... 健... 之... 性... 亦... 亦... 新... 而... 亦... 辨... 辨... 也... 夫... 又...

忠臣

王應選家里小莊窩村人家素封半耕半讀原籍
偏關縣屬木泉營堡中望族也父瓚廩貢生長兄
應熊次兄應聘亦俱廩貢生應聘習署蒲州崞縣
大同府等處訓導應選由武生中式道光年卯科
武舉後廣西賓州雲懷營守備出征江浙陞福建
郡武右營都司漳州右營遊擊委署建甯鎮左營

遊擊奉派出征自興郡統帶建甯邵武二營精兵
前赴仙遊縣剿捕逆匪於咸豐三年十一月二十
三日遇逆匪於嶺股接仗陣亡奉旨賜恤賞給
予雲騎尉世職襲次完時改為恩騎尉

世襲罔替並

誥封三代二子銚錦扶柩歸葬其長子銚龍襲職未任
而卒孫寶三遞襲在營効力已委署將軍會堡把

總矣

孝子



664730

李連七墩密村農也家甚貧自幼未嘗學問而天
 性純孝父成林早歿母李氏生平喜以油麥雜麻
 豆炒而食之及衰老齒禿礙難咬嚼每欲充腸不
 能適口連日擊心傷默思而得白母如不嫌污穢
 兒請嚼而哺之母曰子口即我口何穢焉連遂親

青
 水可
 德志
 卷五
 列女
 上

口代嚼如烏鴉之反哺然至母欲遊隣間話消遣
連則晨背送而往午必迎負以歸雖在農忙之際
未嘗少怠如隣村有演劇賽會者連必請母遊觀
恐騎畜有失必親身背負往還且時時候問身體
倦否寒熱如何雖終身如一日也生二子長存材
次存阜孝亦如之及長操作經營辛苦倍其父以
故家業興旺田連阡陌市設通衢傭僕牛馬日益



繁盛迄今連年八十有五康健矍鑠孫曾繞膝人
咸以為孝行之報云
王世臣古城坡居民也母張氏七旬而孀龍鍾日
甚世臣曲盡孝道夜不忍母獨寢必與已同室妻
韓氏亦賢慧助夫行孝覺寤時必撫捫聽視恐母
寒熱失宜也日間母行院中妻必扶持以防跌撲
世百如從外來遇之即背負以歸昏定晨省以至

衣食供奉無不仰體親心母年八十有五世臣夫
妻亦五十餘生一子性樸訥媳劉氏無疾而歿
已經日晨聞棺中呻吟啟而視之已復活詢之自
言死後信步遊行無家可投亦無人收留忽遇母
家伯祖父與一白鬚老人言少年女子不宜遊行
於外吾送汝歸白鬚人遂背負而行比至門首時
將向晨適祖父來視棺衾隨而入因得醒人猶恐

有他變乃久亦無恙今已抱子矣聞者傳為奇異
鄉黨咸以為孝行所感云

陳安陳柱同胞兄弟也父芝靈早歿母張氏孀訓
最嚴而安柱又天性孝友自幼因貧廢讀及長俱
學縫裘業凡事稟命而行不敢自尊母於五旬餘
患搭背瘡醫藥罔效勢甚垂危或謂口呪可愈安
柱日以口呪功效平平乃相商於觀音前跪香祝

禱各願減壽五年並將安妻楊氏柱妻高氏亦各
減壽一年為母增添正欲柱觀音廟中跪祝而弟
柱轉思母病危急兄弟俱往廟中倘母不測竟無
一子在前似覺不妥况說話處即有神何必定往

廟中且本宅竈神專察人間善惡莫若跪祝早前
母即不虞兄弟在側亦不悞事待母病痊再往廟
中補跪未遲兄安以為然淨年焚香跪祝竈前約

一時許母忽大叫曰我說再不服藥何又以藥灌
我安柱同曰兒等俱未離家那得有藥奉母母曰
明明有一黑臉大漢站立面前擺放三碗藥湯已
經灌我一碗被我推潑二盃何得云無言次漸覺
清爽未幾尋愈厥後家繁日興子孫繁衍而安子
懷德讀書入監素敦孝行後其母楊氏六旬病歿
懷德恐僧人拜懺不虔親於柩前跪誦金剛經每

日三遍如是百日始擇咨安厝懷德生三子皆肖
其祖父其第三子瑞已入泮可謂以孝傳家者矣

義士 拾金不昧

李致遠本街人也一子名澍父子俱為人傭工致
遠年近五旬惟迂直而家屢空澍於乾隆五十四
年為人執鞭偶於途中拾得錢袋一個內裝布小
包甚重益銀也未敢啟視持歸與父相商貼報單

於通衢招失主尋認聞者咸非笑之以為愚或有
勸其隱留自用者致遠曰父子俱傭命窮可知如
匿而自用無福消受必遭奇禍况失物之人知為
誰何如其人得以自專雖失財物尚無他虞知其
人不能自專或少不更事再有人猜疑追問必致
廢命是無益於己而反害人情願受貧不肯造此
罪孽也張貼報單已隔年而尋認者乃崞縣同川

人張大榮大賢兄弟也折色檢視不少分毫欲以
一半為謝致遠堅辭不受乃為之懸挂聖治遺風
匾額於

關帝廟內以彰其義又製袍服一套鼓吹送酬迄今
子孫繁衍或工或商雖非履厚席豐而衣食源源
類素封焉

新修清水河廳志卷之十六

風俗

夫因乎地者謂之風成乎民者謂之俗民生於是
各囿於方隅之氣以少長飲食乎其間相習焉至
於久而莫能以自變惟望有臨民之責者為之優
柔而利導之庶幾風移而俗易於以知風草之機
其端甚速也誌風俗

清水一郡所屬幅員遼濶至千餘里原係蒙古草地所有居民並無土著大抵皆內地各州縣人民流寓而附近邊牆之偏關平魯二縣人為尤多其風氣各就所隸之地以成俗亦與邊外各屬不甚相遠也其岨嶴阻積之山憑陵怒哭無廣川巨流以疏其鬱鬱寨而地處高寒四時多風飄振勁烈蓋地氣然也願以地界蒙古俗尚質樸惟野頑鈍尚

氣少通無論貧富總以勤儉為主或農或商不事
奇技淫巧夫郡既僻處邊鄙又無桑柘麻枲之利
故其人每艱於衣食少大姓巨族即富家產無千
金以上者有則便號稱雄魁乃嗜利孳孳錙銖必
較且疾病信祈禱不肯醫藥此其弊也民既多貧
安其服食物用之陋故列市無幾亦無異物奇貨
即布帛尋常日用之需悉自外來非地所產其價

亦皆帛貴所有商賈主闐闐者率皆邊內人或負
販或坐售居民往往惰而拙於計焉至於婦女拙
陋不務妝飾然亦不省紡織每當晨忙時多往隴
畝中耗草拔禾以助耘獲諺曰八月秋忙繡女下
牀其習俗然也

冠禮久廢

婚禮

嫁娶婚姻之禮民無土著亦無成規凡婚勿論貧
富大抵必計貲財初定時惟憑媒妁通信撮合兩
姓之好書女子生年月日於紅箋帖上謂之送庚
帖至財禮之多寡不等有小繳財禮者亦有大換
帖者凡親友送禮於女家謂之添箱至娶時循利
月擇吉日鼓樂迎娶婿不親迎新婦入門拜天地
飲杯交而合卺焉次日拜祖先謁姑嫜由家族以

及親友次第叩拜名為認大小第三日女偕婿同
往母家歸寧名為回門禮數悉簡便尚無繁文女
子皆早嫁年十六七已多有抱子者矣

喪禮

喪葬之禮所行不一各從其俗各處寄民之不齊
人有貧富之異致所謂喪具稱家之有無也初歿
之三日或五日或七日子孫抱捧靈牌至就近廟

宇中告神名曰叫夜殯葬先期有請浮屠拜佛諷
經者有延士人作誄文贊禮祭奠者又或翦綵為
人號童男女者或以色紙糊房院名為陰宅者親
友則以楮錕冥資麩供致禮焉葬後三日子孫等
於黎明時以紙糊作鍋瓦等器送至墓所焚化謂
之安鍋宅親友亦來助祭名曰販三尚無泥信堪
輿之說卜地卜日動經歲月而遷延不葬者

祭禮

農商士庶俱無家廟歲時伏臘均祭於寢室以紙
畫牌位而書祖父名諱於其上懸而挂之謂其名
為雲而亦有設木主者至清明孟秋望日孟冬朔
日皆祭於墳塋謂之掃墓

立春節後天尚寒冷時多大風春分以後東風解凍
農事方動清明前後草木甲拆甫種麥豆穀雨後

編種麻苽麥胡麻

立春前一日廳官率僚屬朝衣朝冠盛設儀仗迎春
於東郊詣芒神前跪拜行禮歸則鼓樂導前土牛
芒神居後昇至公堂而宴之次日立春時仍於芒
神前行禮如前官僚各執五色綵鞭鞭牛使碎而
禮成矣謂之打春夫迎春之禮絢爛清靜存乎官
長之好尚而習俗相沿皆謂此禮熱鬧則年穀順

成往往試之而驗禮從其俗可也又邊鄙禮文多
從簡便農人即於迎春之日在東郊呈牛犍播籽
種官執犁三推而扶犁之禮亦於是日成焉

立夏前後時方漸暖堅冰始消種穀高粱小滿前後
即種菽麥糜黍兼種瓜菜雜豆夏至以後雖三伏
盛暑惟日中炎熱然亦無需紗葛等衣早晚仍須

禦綿衣也

立秋後天已漸涼麥豆成熟處暑後菽麥亦收白露
前後往往降霜秋風寒露後百穀盡收野無田禾
百草漸枯木葉脫落人半衣裘霜降節後天時雨
雪上工不興

立冬以後地已凍實水結不解冬至後水澤腹堅凍
厚數尺積雪不消小寒大寒嚴風冷雪刮面如刀
有墮指裂膚之懼

節序

正月元旦五鼓夙興闔屬商民燒柏葉放花爆雜陳
牲醴餽饌焚香拜祀天地神祇謂之接神次拜
祖先畢乃長幼序拜黎明親族隣友各互相往
來拜賀謂之拜年

初五日俗呼是日為破五商民於黎明時掃室中
穢土以筐盛之送置十字路旁名為送窮

十五日上元佳節入夜街衢中懸燈籠大有扮作
文故事沿街歌唱者名秧歌有扮作武故事沿
街舞打者曰社火又有以竹編船用色紙糊飾
一人粧扮美女在船中沿街遊行名為船燈花
爆盈耳士女如雲頗覺熱鬧

二十日名小漆倉二十五日名老漆倉農民於晚
間用苳麩或油麩黃米麩捏作燈盞沿口捏小

尖拐按月計數蒸熟時即麵盞中水之多寡以
卜某月雨之多寡往往而驗是日以爐中炭及
畫圈於院中名為打窖小添倉窖圈內埋麥豆
老添倉窖圈內埋黍穀早晚俱焚香於內至晚
即點麩燈於內名曰看窖

二月初二日相傳以為龍擡頭日居民於黎明時用
木桶向井汲新水中放銅錢數枚桃歸室傾入

缸甕內名曰引錢龍是日多薙頭髮名薙龍頭
清明前一日為寒食是日俗名鬼節居民家家拜
祭墳塋凡新婦其姑必領之以祭墳男女孩童
以木繫繩架作鞦韆為戲又以麥麩捏作鳥形
各寒燕兒以供兒女之嬉玩

四月初八日居民入聖母廟祈禱施油香而婦女尤
盛有將廟中泥孩用紅繩拴繫者有點誌於身

上者又有將泥孩抱歸者名為拴寄兒女
十八日古城坡每歲於是日賽會演戲士女如雲
頗稱繁盛

五月初五日端陽節商民男婦均以艾簪髮以紅棗

黍米糯米為粽飲雄黃酒小兒以五色絲線繫

項臂名曰鎖兒又以五色綵帛作為囊如雞心

形內裝雄黃佩於身以避蟲毒農家於是日祭

八月 蚩蜡俗名祭野蚘

二十五日大廟在東閣外雷鬚子坡內祀龍神祈

雨靈應每歲於是日酬神獻戲商民霧集士女
雲屯稱極盛焉

六月十三日小廟村在西閣外五里許有聖泉寺內
祀水神每歲於是日賽會刑牲演劇用答神庥
舉國士女商民無不咸往遊觀且其地清幽有

暖泉一般澄碧甘冽內有長生萍其葉蒼翠四
時不凋他處所然尤稱佳勝是日游人雜還借
以蹋青携帶酒榖席地而坐嬉戲至夕乃還

七月十五日是為中元亦名鬼節拜掃祖塋一如清
明是日也居民用麥麩蒸作美人形餽送戚里
以供兒女之嬉玩比戶皆然

八月十五日中秋節商民以月餅瓜果等物相餽送

入夜則陳設瓜果月餅於院內焚香叩拜以供
月光然後劇飲歡賞竟夕乃罷

十月初一日亦號鬼節民間呼為歲臘拜祭墳墓皆
如清明中元並剪紙為衣焚於墓上或於夜間
焚之門外謂之送寒衣

冬至日居民於是日亦拜祭墳墓如鬼節但賀冬
之禮久廢不行矣而士商家有於是日以紙為

圖畫圈其中而墨染之仿古作消寒圖者

十二月初一日農人以麻豆油麥炒熟五更後舉家

咸食之名曰咬鬼又名咬草其習俗然也

初八日居民合扁豆雜米糧和棗煮粥名臘八粥

農家五更時即食俗傳誰家早食來年禾苗早

熟農人打置冰片栽立糞堆中名臘八人俗傳

為糞中不生蟲又是日僧人在關帝廟中邀眾

諷經名雪山會並設施粥飯以濟窮困焉

二十三日晚間設果餅錫糖於竈前焚香奠酒以祭竈名為送竈神上天此後數日諸神朝天百無禁忌矣

歲除日是日晦日名除夕易門神換桃符貼春聯
爆竹盈耳家家卑幼人等羅拜於尊長之前以
次拜揖名為辭歲老幼團飲歡讌亦有通宵不

水... 卷... 上

寐者名曰守歲又名熬年

...

...

...

...

二十三日晚間...

...

新修清水河廳志卷之十七

祥異

昔周設保章氏以察妖祥春秋列國太史各有其國之屬辨其吉凶清雖一郡其地原係蒙古部落大於陳蔡多矣夫識微之君子遇祥不喜遇災不

玩鑒往事以恐懼修省焉志祥異

同治七年秋天雨水雹東南村莊田禾被傷未登

錢糧蠲緩

同治八年仲秋被霜為灾五十四村莊錢糧蠲緩
同治十三年神池窰等村穀生雙穗又威遠窰村
民人賈復真家馬產雙駒

光緒九年秋東鄉一帶冰雹如雞卵打禾殆盡錢
糧蠲緩

光緒三年晉省大旱以屢歲游饑粟貴如珠百姓

食糟糠剝樹皮掘草根甚至人相食鬻子女僅易
一餐在襁褓者父母棄之道路不顧為去商旅不
敢獨行餓莩盈野慘不忍目其口外各廳亦均亢
旱委員踏勘他廳俱未成災惟清郡僻處邊隅田
畝俱係山坡一經受旱收成失望而民食維艱矣
經前署倅恩承軫念民艱據實詳請賑恤蒙
曾大中丞允準入

奏奉

旨蠲免錢糧開倉賑濟迺清廳常平倉穀先於同治
四五等年奉文碾米運赴甯夏綏遠等處接濟軍
需以致倉儲空虛復請動義倉穀一千二百餘石
先行散放以濟然眉奈杯水車薪不敷甚鉅一面
勸諭商民共捐助米九十二石五斗以資續放並
在本街設粥廠煮粥散給老幼無靠灾黎立育嬰

堂以收養無依幼孩練勇巡查以備不虞擇紳董
勸捐助賑防弊實廣諮訪馭書役等事均屬井井
有條人尤欽其辦公敏捷云爾

光緒四年自春徂夏雨澤愆期皎陽如故閭閻空
乏益甚饑黎徧地目睹心驚復經恩署倅為民籲
請借撥托廳倉穀四千石以救殘黎旋蒙各
憲批准動撥穀二千七百石由水陸兩路運清以

資接濟並奉

旨蠲賑仍

詔所司撫恤隨選派公正紳董劉萬亨等二十餘人

分赴八里各村莊確查先後共計極次貧民大口

一萬六千七百五十八名小口七千二百零八名

每大口給倉斗穀六升小口二升每日一里八日

放竣三次共放穀二千六百一十六石餘剩穀八

十四石零盡數撥入粥廠煮粥散放至由托廳運
穀共捐脚骨錢八百七十四千餘除水陸運脚錢
七百三十七千餘又除練勇經費錢五十二千尚
剩錢八十四千餘撥入粥廠育嬰堂兩處煤水之
需均係紳董經理並不假手書役經此次賑撫全
活甚衆至今感戴

皇仁

憲德固不待言而恩倅奉行之力撫綏之恩至今
傳誦不休可謂無愧於民之父母者矣所有捐助
賑米運脚經費獎敘紳民職銜另錄不贅

新修清水河廳志卷之十八

兵氛

易云安不忘危治不忘亂蓋不忘亂則傲懼傲懼
則防汛守禦之謀豫焉清郡僻處歸化城西南隅
雖非用武必爭之地然瀕臨黃河西與秦境毗連
實屬塞外門戶正宜思患豫防以固吾圉而綏吾
民矣因備列之志兵氛

十

同治四年陝甘獮匪滋擾逼近河干郡之正西黃
河向有一千四處私渡處處與陝西接壤乃西來
入境要隘獮賊屢次窺視意在偷波廳境戒嚴時
廳倅塔思哈督率民勇為固守計先將渡船提歸
東岸於高崖峭壁處豎立旗幟以壯軍威晝夜設
法堵禦一面稟請

各憲添兵分駐沿河防守賊邊馬數十騎時至窺

探見地險渡斷我境有備兵勇既衆防守甚嚴無
隙可乘故爾奔回未能闌入闔郡賴以安堵焉

新修清水河廳志卷之十九

物產

王者不貴異物貴用物誠以五穀六畜材禾果實
之類雖無異產而民生衣食之源在焉清郡屬在
荒陬民貧土瘠微特無異物之可貴即絲枲布帛
亦非其地之所產至於菽粟果蔬亦與塞外各屬
不甚懸殊似可無庸紀之也雖然一粟一粒胥關

帝力即飛潛動植何莫非

聖澤之所涵濡而長養栽培者乎茲將土產各物分

類具列於後以紀其實云爾志物產

穀之屬

稷別名稌關西謂之糜莫北謂之黍本處俗呼為

糜子苗穗似蘆五穀之長也

黍苗穗似稷而大實圓重有黃白赤黑四種米皆

黃俗呼黃米李時珍曰稷黍一類二種黏者為黍不黏者為稷今俗呼為黍子

穀即梁也今直名為穀脫殼則為粟米亦曰小米李時珍曰今之粟在古俱呼為梁自漢以後始以穗大而毛長粒粗者為梁穗小而毛短粒細者為粟故唐孟詵本草言人不識粟而近世皆不識梁也有早晚大小及紫白之異種

秣即梁米粟米之黏者可以釀酒

高粱一曰蜀黍以種來白蜀故名俗呼為芟子有

赤白二種又有粳糯之分

麥有大麥小麥二種大麥刈於小暑小麥刈於大

暑俱種於清明節前與關南迥不同焉大麥俗

呼為草麥可為錫合豌豆又可為麩小麥皮薄

多白麩

收麥初伏乃種霜早則易萎有甜有苦有紅黑斑
三種菽俗作蕎

油麥葉似小麥而弱粒細而長性耐寒不畏霜播
之寒土則易熟故百畝之田種者十八九不獨
清水一郡為然口外各屬亦無不然即關北各
州縣亦種之最多也且謂食之有力而易飽耐
飢俗呼油為菽者非按菽田帛切音調去聲非

油字音也

菽即豆也其種不一有黃豆綠豆黑豆蚕豆豇豆
之類惟豌豆春種夏熟種之極多而扁豆亦然

獨用以澄粉俗以豌豆書作莞者非按莞沾歡

切音官地名又蒲席也又音緩小笑貌非豆也

胡麻種者取其籽以榨油入藥又名巨勝子

萊籽又名黃芥黑芥以粒色辨之隨穀同種花黃

葉亦可食其籽用以榨油入藥又名芸臺子

華麻俗名大麻子色青而黑用以榨油入藥調印

色點燈

麻籽剝其皮可以為繩索其籽用以榨油

蔬之屬

白菜別名曰菘一種莖圓厚微音一種莖扁薄而

白葉皆淡青白色

芥菜種類不一取其子為末名辣菜

山藥有圓長二種圓者又名地梨

苧子白又名蓮花白以其形似蓮花也

芹

韭

芫荽一名胡荽又名香菜

蒜味辣生田野而小者曰老鴉蒜生園畦而大者

曰胡蒜又名紫皮蒜

蘿蔔古名盧服又名萊服有紅白二種白者最大

其籽可以入藥

茗蓬菜有紅綠二種

胡蘿蔔有赤黃二種

菠菱菜一名赤根菜

蔓菁一名蕪菁又名諸葛菜根葉皆可食且能久藏蓄之可以禦冬備荒

苜蓿又名玉蔓菁俗呼為玉頭又號松根結實大如碗能久藏醃之可以為日用常食之需

茄一名落蘇有圓有長清郡所產多長茄

薺菜俗名麥堰菜

甜巨

苦巨

磨菇

黃花菜即金針花

豆角

萬巨

灰藿俗名灰條一曰藜

瓜之屬

西瓜五代時郃陽令胡嶠征回紇得此種携歸故

名西瓜有紅黃穰二種綠皮黑子味最甘美

黃瓜有黃青白三種王瓜土瓜也本草言之甚詳

今俗以月令王瓜生即此誤矣

菜瓜有青黃二種亦曰香瓜

南瓜即倭瓜也

番瓜即哈密瓜也

葫蘆有二種青而長有稜者曰西葫蘆白而尖圓

者曰藥葫蘆即匏也味苦食之令人暴瀉

果之屬

桃有毛桃大桃二種
李有黃紫二種

杏有甜酸二種其仁亦分甜苦甜者仁可生食

沙果似林擒而小熟則起沙故名即花紅也

林擒似沙果而大色紅氣香

木之屬

松 柏 槐 杉 楊有青白二種

柳有綠柳垂絲柳檉柳杞柳數種

榆 棘多刺叢生即酸棗也

花之屬

玫瑰

葵花即向日葵也

蜀葵

雞冠

石榴花

鳳仙即海納也又名指甲花

六月菊

九月菊

紅蓼花即水紅花也

石竹即瞿麥也又有單葉千葉之異

萱花

金盞花

萬壽菊

茉莉有五色及間色者

金銀花一名忍冬

金蓮花

西番蓮

玉簪 粉團 牽牛花即黑白二丑也

丁香 紫荊 月季花 十樣錦

雁來紅一名老少年又名老來紅又名五色人莧

草之屬

蒿有青蒿白蒿蓮蒿斜蒿臭蒿各種白蒿即茵陳

也可以入藥可以釀酒

龍鬚草其莖可以為帚 蘆葦 苜蓿

莎 荻 茅 菘 蒲 馬齒莧

長生蘋其葉蒼翠凌冬不凋惟小廟聖泉內所產

他處所無 萍 藻 野艾 馬蘭

藥之屬

甘草 荊芥 酸棗仁 薄荷 黃耆

遠志 芫花 益母草 枸杞 野蔘

地黃 黃精 車前子 槐角 澤蘭

清
水可
要志
卷九

瞿麥 即石竹花苗也 旋覆花 即六月菊也 茵陳 即白蒿也 黃芩

麻黃 柴胡 防風 知母 艾 即野艾

細辛 桔梗 二丑 即牽牛花子也 粟殼 大戟

疾藜 野菊 三稜 地膚子 豬苓

蒲公英 馬兜鈴 大小薊

羽之屬

鴨 雞 斑鳩 鷓鴣 鵲 麻雀

燕 紫胃聲小者名越燕春社來而秋 鷗 俗名啄木
社去胃班黑而聲大者名胡燕 鷗 俗名怪

雁 鷹 鷓 鴉 俗名 石雞

鳥 即慈鳥反哺 鴉 小而腹下白 鴛鴦 蝙蝠
者色純黑 又有紅嘴者

鷺 即野水鴨也

毛之屬

牛 馬 羸 驢 犬 豕 羊

狼 狐 狸 兔 貓 鼠 蝟

黃羊

鱗之屬

鯉魚每年黃河春冰初泮清明以前漁人設網打

之肥美異常惟榆樹灣及上下城灣等處有之

他處所無亦不能長年恒有也

鯽魚

大者不過二三寸且不能常有也

鯽魚

鯽魚

蟲之屬

蜂 有蜜蜂 土蜂 黃蜂 數種 蜚 螂 能轉九大 小不一 螻 蟻 有大小 紅黑 數種

蝴蝶 蚊 蝸牛 蚯 蚓 白翎 子 即 貉 子也

蜘蛛 有大小 數種 蕭 蛸 即長脚 蜘蛛也 土 鱉 即簸 箕蟲 蠅 有大小 蒼 數種 青

蜻蜓 蟻 蟻 蟻 促 織 守 宮 即 蛇 虎也

撲燈蛾 即簸箕蟲 之壯者 蝦 蟆 即蟾 蜍也 蝨 斯 即莎 雞種 類甚多 蟋 蟀

螻 蛄 叩 頭 蟲 蟬 蚤 蛇 種 類 不一

蜥 蜴 形似 守宮 而常 野處 行最快 蚰 蜒 形似 蜈蚣 而小 百 足 蟲 俗名 錢 龍

青 人 可 德 志 卷 七

水
六
屬
志
卷
九
螞蝗 即水蛭
螞蚱

蠅虎

臭虫

凡虫

顛當 俗名倒顛子

樗雞 一名紅娘子

貨之屬

石炭 即煤也有肥
煨藍黑各種

木炭

石灰

紅土

白土 青石

沙石

浮石

紅礬

毛頭紙

以麻屑為之清郡所製與關北州縣暨口外各

廳所造大約相同紋理粗糙而無筋骨殊不及
平陽府所產蒲紙之細膩而白也

